



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-130-5/21**
Datum: **09.07.2021. godine**

«Agencija za vodno područje rijeke Save» Sarajevo rješavajući po zahtjevu pravnog lica "SE SARAJKA" d.o.o. Živinice, za donošenje rješenja o vodnoj dozvoli za ispuštanje oborinskih onečišćenih voda sa lokacije izgrađenog poslovnog kruga preduzeća koje se bavi izvođenjem radova - oblast niskogradnje i transport robe sa internom benzinskom stanicom u naselju Maline bb, općina Živinice na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), donosi:

RJEŠENJE **o vodnoj dozvoli**

1. Pravnom licu "SE SARAJKA" d.o.o. Živinice, daje se vodna dozvola za ispuštanje oborinskih onečišćenih voda sa lokacije izgrađenog poslovnog kruga preduzeća koje se bavi izvođenjem radova - oblast niskogradnje i transport robe sa internom benzinskom stanicom u naselju Maline bb, općina Živinice na zemljištu označenom kao k.č. br. 303/21 K.O. Spreča (np) što odgovara starom premjeru k.č. br. 1821/13 K.O. Husino.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da pravno lice "SE SARAJKA" d.o.o. Živinice, obezbijedi da se sistem za prikupljanje, prečišćavanje i ispuštanje otpadnih voda kao i objekti izgrađeni u krugu predmetnog poslovnog objekta u naselju Maline, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da se u roku 6 (šest) mjeseci izradi Projekat izvedenog stanja sistema prikupljanja, tretmana i ispuštanja otpadnih voda sa lokaliteta poslovnog kruga preduzeća koje se bavi izvođenjem radova - oblast niskogradnje i transport robe sa internom benzinskom stanicom u naselju Maline bb, općina Živinice. Investiciono-tehnička dokumentacija treba biti urađena od strane pravnog lica koje ima ovlaštenje (lista «A») pribavljeno od strane Federalnog ministarstva poljoprivrede, vodoprivrede i šumarstva koja treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine F BiH», broj: 31/15, 55/19 i 41/20).
 - 3.3. Čišćenje separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetne benzinske pumpe može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.4. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20).

- 3.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- 3.6. Da se skladištenje nafte i naftnih derivata vrši u podzemnim dvoplašnim rezervoarima za tečna goriva ukupne zapremine $V=60 \text{ m}^3$ ($40+20 \text{ m}^3$).
- 3.7. Da se redovno vrši ispitivanje ispravnosti i propusnosti rezervoara za skladištenje goriva u skladu sa propisima iz ove oblasti.
- 3.8. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.9. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.10. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.11. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.12. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta benzinske pumpe sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice "SE SARAJKA" d.o.o. Živinice, zahtjevom bez broja od 22.03.2021 godine se obratilo ovoj Agenciji za donošenje rješenja o vodnoj dozvoli za ispuštanje oborinskih onečišćenih voda sa lokacije izgrađenog poslovnog kruga preduzeća koje se bavi izvođenjem radova - oblast niskogradnje i transport robe sa internom benzinskom stanicom u naselju Maline bb, općina Živinice na zemljištu označenom kao k.č. br. 303/21 K.O. Spreča (np) što odgovara starom premjeru k.č. br. 1821/13 K.O. Husino.

U provedenom postupku dostavljena je i pregledana sljedeća dokumentacija:

A. Opšta dokumentacija

- Rješenje o izmjenama podataka u sudskom registru broj: 032-0-Reg-20-000798 od 01.07.2020. godine, izdat od strane Osnovnog suda u Tuzli,
- Ovjerena kopija Uvjerenja o poreskoj registraciji, od 12.11.2020.godine, izdatog od strane Porezna uprava-Kantonalni ured Tuzla,
- Ovjerena kopija Uvjerenja o registraciji/upisu u Jedinstveni registar obveznika neizravnih poreza broj: 04/1-UPJR/1-4125-2/20 od 24.08.2020. godine, izdatog od strane Uprave za indirektno-neizravno oporezivanje Banja Luka.
- Kopija Rješenja o upotrebi predmetne benzinske stanice broj: 05-23-2473/08 od 27.03.2009. godine izdato od Službe za stambeno-komunalne i urbanističke poslove, Općina Živinice,
- Kopija Rješenja o urbanističkoj saglasnosti predmetne benzinske stanice broj: 05-23-766/07 od 28.03.2008. godine izdato od Službe za stambeno-komunalne i urbanističke poslove, Općina Živinice,
- Kopija Rješenja o građenju predmetne benzinske stanice broj: 05-23-1671/08 od 16.06.2008. godine izdato od Službe za stambeno-komunalne i urbanističke poslove, Općina Živinice,
- Kopija Rješenja o izmjeni upotrebne dozvole predmetne benzinske stanice broj: 05-23-568/14 od 20.03.2014. godine izdato od Službe za stambeno-komunalne i urbanističke poslove, Općina Živinice,
- Kopija uplatnice administrativne takse i biljega,
- Račun za servisiranje vozila broj 52-33-210172 02.06.2021 godine od strane „TERA“ d.o.o. Binježevo, Hadžići i račun br. 45-23000548-21 od 03.06.2021 godine od strane „KAM i BUS“ d.o.o. Matuzići, Doboj jug,
- Elaborat o pogodnosti lokacije za dizel stanicu, „Institut za zaštitu, ekologiju i obrazovanje“ Tuzla, april 2008 godine-kopija,
- Zbirni izvještaj revizije projektne dokumentacije-kopija

B. Tehnička dokumentacija

- Izvedbeni projekat objekta interna dizel stanica urađen od strane „GRIVENT“ d.o.o. Sarajevo, januar 2007 godine,

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19 i 41/20), izvršen je obilazak predmetne lokacije i tom prilikom sačinjen zapisnik o uviđaju broj: UP-I/25-3-40-130-2/21 od 17.06.2021. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Lokacija izgrađenog predmetnog poslovnog objekta je u naselju Maline bb, općina Živinice, sa lijeve strane magistralnog puta Živinice- Šićki Brod-Tuzla.

Osnovna djelatnost predmetnog kompleksa je izvođenje radova niskogradnje i transport robe.

Na predmetnoj lokaciji je izgrađena interna dizel stanica za potrebe preduzeća- za snabdijevanje gorivom teških mašina, kamiona i sl., koji se koriste za obavljanje djelatnosti. Gorivo se skladišti u dvoplašnom podzemnom rezervoaru zapremine 60 tona.

Na predmetnoj lokaciji se ne vrši servisiranje vozila.

Oborinske vode sa asfaltnih i manipulativnih površina interne benzinske stanice predmetnog objekta i vode koje će nastati na predmetnoj lokaciji se slivnim rešetkama odводе preko separatora do otvorenog kanala koji se nalazi pored predmetne parcele. Prilikom uviđaja nije bilo moguće utvrditi gdje se ispuštaju vode iz navedenog kanala. Podnosilac zahtjeva nije posjedovao ranije vodni akt od ove Agencije te nije vršio monitoring otpadnih voda.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i članova 14., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva, "SE SARAJKA" d.o.o. Živinice, ispunio minimum uslova za izdavanje vodne dozvole za ispuštanje oborinskih onečišćenih voda te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- "SE SARAJKA" d.o.o. Živinice, Magistralni put bb, Živinice (Prilog-tehnička dokumentacija pod tačkom B obrazloženja ovog Rješenja)
- ☞ AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo